

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0062976 25  
Zenica, 24.03.2025. godine

**HITNO PRITVOR!**

**OPĆINSKI SUD U ŽEPČU**  
-Sudiji za prethodno saslušanje-  
**ŽEPČE**

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

### **O P T U Ž N I C U**

Protiv:

**Č. S.,** osuđivan za krivično djelo razbojništvo iz člana 289 stav 2 u vezi člana 31 KZ F BiH, brani ga D. A., advokat iz Zenice, branilac po izboru, **osumnjičeni se nalazi u pritvorskoj jedinici KPZ ZT Zenica po rješenju tog suda broj: ... od 14.03.2025. godine, koji pritvor traje mjesec dana počev od dana 12.03.2025. godine u 16,10 sati,**

što je:

dana 12.03.2025. godine, u Žepču, suprotno odredbama člana 4 stav 1, 2, 3 i 5 i člana 19 i 20 Zakona o sprečavanju i suzbijanju zloupotrebe opojnih droga u BiH, dok je upravljao motociklom marke „...“ reg. oznaka ..., kod sebe radi dalje prodaje neovlašteno posjedovao opojnu drogu: „amfetamin“ poznatiju kao „speed“ pomiješanu sa kofeinom u ukupnoj bruto količini od 3.008,53 grama, koja je bila razvagana i upakovana u 3 vakumirana pvc paketa i u neto količini od 1,200 grama upakovanu u jednom prozirnem pvc paketiću koja droga „amfetamin“ je pod rednim brojem 1 Druge liste psihotropnih tvari iz tabele II „Tvari i biljke pod strogom kontrolom“ proglašena takvom, kao i opojnu drogu „cannabis“, poznatiju kao „marihuana“, u neto količini od 0,673 grama upakovanu u jednoj ručno pravljenoj cigareti dužine cca 9 cm, koja droga je pod rednim brojem 13 Prve Liste opojnih droga iz Tabele I „Zabranjene tvari i biljke“ proglašena takvom, iako je bio svjestan da je posjedovanje opojne droge u te svrhe zakonom zabranjeno, ali je to htio, koja opojna droga mu je bila pronađena i oduzeta tog dana oko 16,00 sati od strane policijskih službenika PS Žepče, prilikom zaustavljanja i kontrole u mjestu Zenički put na magistralnom putu M-17,

čime je počinio krivično djelo Neovlaštena proizvodnja i stavljanje u promet opojnih droga iz člana 238 stav 1 KZ F BiH.

Radi toga, stavljamo

**PRIJEDLOG**  
dokaza koje treba izvesti

Predlažemo sudu da na osnovu odredbi člana 238 stav 4 KZ F BiH od osumnjičenog Č.S. **trajno oduzme opojnu drogu** „amfetamin“ u ukupnoj bruto količini od 3.006,34 grama i u neto količini od 1,163 grama, kao i opojnu drogu „cannabis“ u neto količini od 0,649 grama koja se nalazi deponovana u PS Žepče i koja je preostala nakon vještačenja.